

WAT ENGELAND SE BOEKE TOON

Nieteenstaande Engeland alles in sy vermoë doen om sy invoer en uitvoer te laat klop, word die gaping by die dag nog groter.

Volgens Attlee was die verskil in 1946 sowat £400,000,000, maar vir die eerste ses maande van hierdie jaar het dit vermeerder tot 'n koers van £700,000,000 per jaar.

'n Spesiale poging is daarna aangewend om die uitvoer te verhoog en so min as moontlik in te voer, maar syfers toon dat

die gaping nog steeds groter geword het.

Tydens Junie alleen was die verskil tussen in- en uitvoer £60,500,000 per maand (of £726,000,000 per jaar) en nieteenstaande die Britse uitvoer verlede maand die hoogste van alle tye was, het die tekort na £68,000,000 opgeskuif sodat volgens die huidige tempo die jaarlikse tekort op £816,000,000 te staan kom.

Binne een jaar het die verskil tussen Brittanje se invoer

en uitvoer dus net meer as verdubbel.

Die Kaapstadse stadsraad verwag 'n tekort van £150,000 op sy huidige begroting. Na berekening sal die opgehoopde tekort teen 1949 sowat £450,000 wees.

Tydens die oorlog het die stadsraad groot skenkings ter ondersteuning van die Britse oorlogspoging gemaak.

'Nie Moeite Werd'

Met kenmerkende Britse sinisme berig die Times se korrespondent uit Londen as volg na aanleiding van Engeland se verbrekking van die leningsooreenkoms met die V.S.A.:

„Die bedrag van die lening wat oorbly is nou so klein dat dit twyfelagtig is of dit die moeite werd geag sal word om die kongres-perdeby in beroering te bring ten einde dit in hande te kry.”

SESTIG PERSENT van die lande in die wêreld is bankrot, het mnr. F. C. Sturrock, Minister van Vervoer, verlede week verklaar. Die Unie is een van die gelukkige lande wat nie bankrot is nie, het hy gesê.

Sorg Vir Eie Voedsel Met Duitse Arbeid



Ten einde £12 miljoen se voedselinvoer per maand te bespaar het die Britse regering 'n beroep op die boere gedoen om hul produksie in die volgende vier jaar met £100 miljoen te verhoog — 15 persent hoër as die hoogste produksie-syfer tydens die oorlog. Vir dié doel het die regering hom ook met magte beklee wat hom in staat sal stel om mense te dwing om op plase te gaan werk. Op die oomblik word nog van duisende Duitse krygsgevangenes as goedkoop slawe-arbeid gebruik gemaak, soos op die foto te sien is, waar 'n boer besig is om sy koringoes in te samel. Aanstaande jaar se oes word egter deur 'n kwaai droogte op die oomblik in gevaar gestel.

BRITTANJE BREEK KONTRAK MET AMERIKA

Gee Nou Weer 'Erewoord' Aan Dominiums

Brittanje het verlede Donderdag sy leningsooreenkoms met Amerika verbreek nadat hy reeds nege-tiendes van die lening opgebruik het en binne 'n paar weke nadat die betrokke klousule in werking gekom het.

Volgens die ooreenkoms, wat op 13 Julie verlede jaar deur die Amerikaanse kongres bekragtig is, het Brittanje onderneem om na 12 maande alle lopende sterling-balanse vry te stel vir inwisseling in dollars en om hom te beywer vir die afskaffing van die stelsel van voorkeurtariewe ook ten opsigte van die Britse Ryk.

Daar is toe verwag dat die lening van byna £1,000 miljoen tot in 1951 sou hou, en van Amerikaanse kant is toe natuurlik gehoop dat Amerika dus 'n hele paar jaar vrye handel as vergoeding sou kry vir sy reuselening.

Die lening het egter met 'n geraak, en in Julie maand is steeds vinniger tempo gedaan die rekordbedrag van £175

miljoen getrek, sodat minder as 'n kwart van die lening toe nog oorgebly het, en op 20 Augustus was daar nog net £100 miljoen of een-tiende oor.

Of die Britse behoeftes so toegeneem het en of daar doelbewus swaarder op die rekening getrek is sodat Brittanje nie veel sou verloor indien hy sy deel van die kontrak verbreek nie, kan nie gesê word nie, maar op 17 Julie is aangekondig dat die Britse Ryksvoorkeur nie afgeskaf sal word soos 'n jaar tevore in Washington onderneem is nie, en op 21 Augustus is uit Londen aangekondig dat ook daardie deel van die kontrak wat op die inwisselbaarheid van sterling-balanse sien, verbreek word en dat geen sterling verder vir dollars of ander buitelandse geld gewissel mag word nie.

LENING BEVRIES

Die onmiddellike reaksie uit Washington op hierdie verbrekking van die ooreenkoms was om die res van die lening—nou nog net £100 miljoen, of minder as 'n maand se genade aan Brittanje—te bevries.

Uit Engeland word dit as 'n „noodmaatreël” beskryf, en nood breek wet, so word verklaar. Engeland het sy sterling nodig om vir hom nuwe klandisie te

werf vir lewensmiddele, en hy kan dus nie toelaat dat sy sterlingvoorrade in Amerika se belang wegmelt nie, so lui die ekskuus.

NIE GEWILLIG

Dit was lankal duidelik dat die Amerikaanse wetgewers nie van voorneme was om Brittanje 'n verdere lening te gee nie. Britse berigte uit Washington het in die afgelope maande hierdie feit baie sterk beklemtoon, en daar is gewaarsku dat Brittanje hom nie vir Amerikaanse hulp moet klaarmaak nie, maar sy eie potjie moet krap. Brittanje het dus besluit om maar te sê: „Fonteyntjie ek drink nie weer van jou nie.” en kontrakbreuk gepleeg en sy mond afgegee soos hy al so dikwels in die verlede gedoen het. Terselfdertyd het hy 'n beroep op sy kolonies en dominiums gedoen om alles in hul vermoë te doen om hom by te staan in sy krisis. Hulle is versoek om so min as moontlik van Amerika te koop, en ook om soveel as moontlik na Engeland uit te voer op 'n krediet-basis.

NOU ONS BEURT

Dit wil sê Engeland wil nou geld leen van sy dominiums vir lewensmiddele wat hy voorheen uit Amerika ingevoer het en wat hy weens sy woordverbrekking nie meer kan doen nie.

Aan hierdie lening is blykbaar geen verpligting aan Brittanje se kant verbonde nie. Die do- (Vervolg op bladsy 8)

£80 Milj. en Kos-tekorte S.A. se Offerande

Suid-Afrika sal aan Engeland 'n „lening” ter waarde van tussen £60 en £80 miljoen gee as deel van sy bydrae tot hulpverlening aan Brittanje, na Sapa uit Londen berig.

(Alle belangrike aankondigings oor Suid-Afrika se besluite onder die Smutsbewind is in die reël van Londen afkomstig.)

Die „lening” sal oor 'n tydperk van twee tot drie jaar strek, en sal aangewend word vir die aankoop van Suid-

Afrikaanse voedsel en vrugte. Engeland hoef nie met die terugbetaling te begin voor eers oor 10 jaar nie.

Aangesien die Unie voorheen slegs ongeveer £3 miljoen se vrugte jaarliks na Engeland uitgevoer het, beteken dit dat Brittanje volgens hierdie ooreenkoms tot vir soveel as £37 miljoen deur die Unie van voedsel voorsien moet word, en, soos daar geskimp word, moontlik teen pryse wat laer as die wêreldmark is—daar

word in dieselfde verband naamlik verwys na Kanada se lofwaardige hulppoging deur koring te lewer aan Engeland teen 'n laer prys as dié op die wêreldmark.

Aangesien Engeland verlede jaar altesame maar vir £15 miljoen van die Unie gekoop het, wat ook ander goed as voedsel insluit, moet dus aangeneem word dat Suid-Afrika se „opoffering” daarin sal bestaan dat ons ons uitvoer

van skaars voedsel na Engeland nagenoeg sal verdriedubbel.

Geen wonder dat die Sunday Times op sy voorblad kla dat die Unie-regering 'n „doofpot-beleid” volg ten opsigte van sy hulpverleningsplanne nie! Hy kan nie waag om met die feite na die publiek te kom nie.

Van hierdie sogenaamde lening sal Suid-Afrika nie 'n pennie terug kry nie, want Engeland het reeds getoon dat hy 'n wanbetaler en kontrakbreker is. Wat sal gebeur is dat die belastingbetalers van die Unie opgevorder word om die skepping van reuse-voedseltekorte te finansier tot 'n bedrag van £80 miljoen.

TROTS OP VERSET TEEN EMPIRE

Ons is net so hoogmoedig op ons verset teen die Empire en sy oorlog as wat ons trots is op die rebellie van 1914. Die wordingsjare van die Ossewabrandwag was 'n veel bewoë periode, maar dit is 'n tyd waarvoor ons nooit skaam hoef te wees nie. Die nageslag sal ons nooit kan verwyf dat ons moeg was voordat ons begin het en dat die Ossewabrandwag 'n swak skakel in die volksketting is nie.

Hierdie woorde is deur genl. dr. Erika Theron, Vroue-leidster van die O.B. in Wes-Kaapland, uitgespreek tydens die viering van die verjaardag van die Ossewabrandwag deur die kommando's van die Kaapse Skiereiland.

Genl. Theron het haar diepe dankbaarheid uitgespreek vir die ongeëwenaarde ywer en prestasies van die vroue wat opnuut getoon het waartoe hulle in staat is. „Deur u harde en moeilike arbeid het u opnuut u trou aan die Leier en die volksbeweging bewys.“

Die afgelope nege jaar was 'n periode van storm en drang, van kampe en tronke, van voortvlugendes en soldate sonder gewere.

Die Ossewabrandwag het deur sy verset teen die Empire en sy handlangers getoon dat daar nog 'n groep in die Afrikaner-volk is wat nie sy siel verkoop het en sy republikeinse ideaal laat vaar het nie. So lank daar nog verset is, weet ons dat die Afrikanersiel nog nie verkoop is nie.

KRAG TOT VERSET

Sommige het daadwerklik opgetree en ander het deur hulp en bystand hul deel bygedra tot die verset. Ons is trots op ons verset. 'n Afrikaanse skrywer het gesê dit is geen skande as daar 'n rebellie is nie, maar dit is 'n skande as daar, solank ons volk verkneeg is, een geslag verby gaan sonder om te rebelleer. Die O.B. het die Empire getoon dat ons krag tot verset het en dat ons nie slegter is as die Indiërs nie.

Die „romantiese periode“ van die Ossewabrandwag is miskien verby — vir 'n tyd altdans. Maar daar is geen tyd vir 'n bietjie uitspan nie omdat dit 'n nimmereindigende stryd is. Ons

„WEES STERK EN VOL MOED“ A.K.G. SE BOODSKAP

Die adjunk-leier van die Ossewabrandwag, genl. J. A. Smith, het 'n besielende boodskap aan die volksbeweging gerig met die oog op die herdenking van die geboortedag van die nuwe bedeling in ons volkslewe. Sy boodskap is voorgelees tydens die viering van O.B.-dag deur die Skiereilandse kommando's.

„In die gees is ek met u en verlang dat ek saam kon fees gevier het. 8 Augustus is die dag van heraanwording vir die jaar wat voorlê in ons stryd om die beginsels soos in ons gelofte, vervat—beginsels wat onverwrik, onverwinlik, ewig bly as die enigste rigsgnoer vir 'n Christelike mensdom. Laat ons net sterk wees en vol moed om nie links of regs af te wyk nie. Wat in Josua 1 vers 11 en 'n gedeelte van vers 14 staan, is my boodskap aan u:

„Gaan die laer deur en gee die volk bevel en sê: Maak vir julle padkōs klaar . . . en dan, maar julle (O.B.'s) self, al die



Genl. dr. Erika Theron.

is slegs 'n skakel in hierdie stryd en ons moet sorg dat hierdie skakel sterk is. Die volk van die toekoms mag en sal ons nooit kan verwyf dat ons die skakel swak gemaak het nie. Dit is nie vir ons om te vra wanneer die einde sal aanbreek nie.

IDEAAL VERLOEN

Daar was tye in ons volk se geskiedenis dat die republikeinse ideaal deur die party-politiek opsy geskuif is vir tydelike voordele. So was dit in 1924 en so het dit nou weer gebeur. Op die jeug van ons volk het dit 'n nadelige sielkundige uitwerking.

Is 'n ideaal dan net somtyds belangrik? het spr. gevra. Daarom is ons dankbaar dat ons 'n republikeinse volksbeweging het wat geen ideaal prysgee vir tydelike voordele nie. Die ideaal van ons vryheid en Republiek sal die O.B. nooit prysgee nie, het dr. Theron onder langdurige toejuiging verklaar.

dapper helde, moet gewapend voor julle broers deurtrek en hulle help.

„Laat 8 Augustus hier vanaand die bereiding van die padkōs wees op die volgende jaar se skof. Ek groot u almal. Saluut. U kameraad.“

Britse Fabriek Na S.-Afrika

Weens 'n tekort aan werkkragte in Brittanje, het die eienaar van 'n Bradfordse spin- en weeffabriek besluit om 'n spininstallasie na Suid-Afrika te verskeep. Dit sal in Port Elizabeth opgerig word.

Dit is die tweede weeffabriek wat gedurende die afgelope weke uit Engeland na die Unie verplaas word.

Afskeidsfunksie Op Wellington

Besieling Gaan Uit Van Die K.G.

Ons voel vanaand baie in ons skik om die K.G. hier op Wellington in ons midde te hê, het komdt. Krisjan du Toit verlede Donderdagaand verklaar toe hy dr. J. F. J. van Rensburg verwelkom het by 'n gesellige braaivleisaand wat gehou is op die plaas Vrugbaar, van mnr. Joubert Cillié. Komdt. du Toit het voorts gesê dat die K.G. se teenwoordigheid boweal waardeer word omdat hy gekom het nie om ongenaakbaar van die verhoog af met die skare te spreek nie, maar wel om soos 'n menslike mens gesellig met offisiere, brandwagte en mede-Afrikaners te verkeer. Juis die feit dat dr. Van Rensburg so intiem met sy volk kan omgaan onderskei hom van en verhef hom bo ander leiers in ons land, het die kommandant gesê.

Die braaivleisfunksie is gereël om geleentheid aan die O.B.-kommando's en publiek van Wellington te gee om afskeid te neem van oud-komdt. Charl Celliers en sy gesin wat op die vooraand is van vertrek na Clocolan in die Vrystaat. 'n Aansienlike aantal mense het die funksie bygewoon, die O.B.-kommando waardeer dit veral dat so baie andersdenkende Afrikaners ook aanwesig was.

TROETELKIND NA STIEFKIND

Mnr. Koos Malan (Oakdene), lid van die kommando-raad, het die afskeidswoorde tot die vertrekkende familie Celliers gerig. Op tipiese pittige en luimige wyse het hy hulde gebring aan mnr. Celliers vir die skitterende dienste wat hy aan die samelewing, veral die wynboere-gemeenskap, en aan die O.B. gelewer het. In die dae van skeuring toe die O.B. van troetelkind na stiefkind oorgegaan het, was dit mnr. Celliers wat die „krummels“ op Wellington bymekaar gemaak het en opnuut 'n kommando daaruit gebou het. En dat die „krummels“ darem nie so min en so nikswerd was nie, en dat mnr. Celliers goed gebou het, word bewys onder meer deur hierdie funksie vanaand, het mnr. Malan gesê.

GESKENK

Die kommandant - voorsitter het 'n telegram van waardering voorgelees wat ontvang is van genl. W. Marsh wat op vakansie in Pretoria is. En nadat hoofgenl. Max Smuts, namens die hoër offisiërskring, afskeidshulde aan mnr. Celliers gebring het, het hoofkomdt. Voigt, namens die Wellington-kommando's, 'n reiskoffer aan mnr. en mev. Celliers oorhandig.

Oud-komdt. Charl Celliers het namens homself en sy familie dank betuig vir die geskenk en die vriendelike woorde van waardering wat aan sy adres gerig was. Op sy beurt, aldus mnr. Celliers, wil hy sy opregte dank aan die Ossewabrandwag van Wellington betuig vir die geleentheid wat hy gekry het om sy volk te kan dien.

GEESDRIF

Komdt. Du Toit het verklaar dat die verrigtinge nou die hoogtepunt nader. Hy stel die Kommandant-generaal aan die woord.

Dr. Van Rensburg het in 'n kort maar baie besielende rede groot geesdrif by die aanwesiges opgewek. Hy het verklaar dat veral twee faktore die O.B. gedurende die afgelope nege jaar, in die aangesig van teenstand uit alle oorde, lewenskragtig gehou het. Die een faktor is die republikeinse besieling. Die O.B. het die histo-

riese republikeinse stryd vir hierdie geslag van die Afrikanerdom gevoer en republikeinse offers gebring. Die ander faktor is die eed wat O.B.-lede gesweer en gehou het, nl. ek sal my mede-Afrikaner nooit in die stryd verlaat of aan die vyand uitlewer nie. Hierdie eed het elke O.B.-lid gestand gedoen deur sy of haar bydrae aan die Noodhulpfonds wat 'n bedrag van meer as £100,000 bereik het.

SOORT NEURENBERG

Daar is nou sprake, het die K.G. voorts gesê, van 'n soort Suid-Afrikaanse Neurenberg wat die regering glo wil hou. En diegene wat voorgee om te weet voorspel dat die rol van aangeklaagde vir die O.B. toegesê is.

Daar is leiers in Suid-Afrika wat besig is om weg te hardloop van die Ossewabrandwag af net omdat hierdie soort Neurenberg-praatjies in die lug is. Laat hulle maar hardloop — hulle hardloop van die geskiedenis af weg!

Wat die Ossewabrandwag betref — ons sal nie weghardloop nie: nie van die verlede nie, en daarom ook nie van die toekoms nie, het die K.G. onder u'tbundige toejuiging gesê.

Dieselfde twee faktore, nl. die republikeinse besieling en die eed van Afrikanertrou wat die O.B. deur die moeilike oorlogsjare staande gehou het, sal die O.B. ook staande hou vir alle toekoms — laat kom wat wil, het die K.G. ten besluite verklaar.

STRYD MOET VOORT

Mnr. Joubert Cillié, op wie se plaas die funksie gehou is, en lid van die kommando-raad, het die K.G. bedank. Hy het gesê dat dr. Van Rensburg nog altyd reg gelei het en nog steeds reg lei; die K.G. kan staat maak op Wellington. „Ons sal by u staan. Sit voort die stryd.“ het hy besluit.

Nadat die aanwesiges nog 'n slag koffie gedrink en wors en braaivleis geëet het, wat deur ywerige komdt. Retief en haar staatmakers verskaf is het 'n gesellige en baie besielende funksie ten einde geloop.

Skiereiland Bring Sy Offers

Lewendige marsmusiek deur die O.B.-blaasorkes onder leiding van komdt. S. J. Swanepoel het die viering van O.B.-dag deur die Skiereilandse generaalskappe in die Hofmeyersaal, Kaapstad, op 18 Augustus, ingelui. By hierdie geleentheid het die kommando's hul bydraes gestort wat die reuse-bedrag van £1,147 opgelewer het.

Die verrigtinge het plaasgevind onder voorsitterskap van hf.-komdt. J. de V. Truter en is met gebed deur genl. G. Retief geopen.

Gebiedsleier, genl. dr. F. D. du Toit van Zyl, het spesiaal melding gemaak van die prestasie van die Pāpendorp-kommando onder komdt. A. M. Jeppe wat die pragtige bedrag van £155 opgelewer het. Ook die Boerejeug het gepresteer deur gesamentlik £136 in te bring.

Genl. J. de Vos het sy dank uitgespreek vir die pragtige rekord van sy generaalskap (A1) wat verantwoordelik vir £713 was.

Genl. Gustav Retief, van Generaalskap A2, het hom hierby aangesluit en beklemtoon dat niks sonder harde arbeid verkry word nie. Sy generaalskap het £434 opgebring.

Hfgnl. P. D. Rousseau het sy dank betuig vir die offers wat weereens gebring is. „Die O.B. is die beliggaming van die liefde van die Afrikaner-volk. Werk en omgord u vir die stryd wat voorlê“, was sy boodskap aan die aanwesiges.

Nuwe Generaal

Generaal S. Nel van Brandvlei (A20) skryf as volg na aanleiding van sy aanstelling as generaal in daardie afdeling:

„Met diepe besef van die groot en gewigtige taak wat ek op my neem, aanvaar ek dit onder die leiding van die Hoër Hand, en in verwagting dat my mede-offisiere my altyd met raad en daad sal bystaan in hierdie aanstelling as generaal.

„Ten slotte wil ek net my hoër offisiere hartlik bedank vir die vertroue wat hulle in my gestel het, en mag daar nooit 'n oomblik voorval waarop ek hulle teleurstel nie.“

Britte Mag Nie Reis

Die Britse regering is van voorneme om alle reise in die buiteland, behalwe sakereise, wat Britte wil onderneem, te verbied. Besoekers na en van Brittanje sal nie toegelaat word om meer as £5 in plaas van die huidige £20 saam te neem nie. Die stap word gedoen ten gevolge van die opheffing van die inwisselbaarheid van sterling.

CLANWILLIAM-BLOMME

Vir die volgende vier weke sal Clanwilliam-distrik oortrek wees met 'n bont massa wilde blomme. Nou is die tyd om dit te kom sien.

Die regte en beste plek om by tuis te gaan is die

HOTEL CLANWILLIAM

(Bestuurder: R. STRASSBERGER)

FOON 2

POSBUS 4

Skryf om besonderhede en bespreek vroegtydig.

O.B. Se Ankers Deur Oorlogsjare

Die Republikeinse ideaal van die Ossewabrandwag en die eed wat hy voor God gesweer het om sy mede-Afrikaner nooit in die stryd te verlaat of aan die vyand uit te lewer nie, is die twee ankers wat hom deur die oorlogsjare gedra het en hom ook sal dra in die moeilike tyd wat voorlê.

So het kommandant-generaal dr. Hans van Rensburg verlede Woensdagaand voor die Brandwagte van Malmesbury tydens 'n gesellige byeenkoms in die stadsaal verklaar toe hy verwys het na die politieke bom wat die regering moontlik in die mou hou.

Die Ossewabrandwag is nie die enigste Republikeinse nie, en daarvoor is ons dankbaar. Maar die O.B. is die enigste organisasie wat hierdie ideaal op die voorgrond gehou het en dit nie vir tydelike voordeel afgewater het nie. 'n Ideaal is nooit veilig in die hande van 'n politieke party nie omdat 'n party noodwendig sy seile na die wind moet span om andersdenkendes te vang.

Tienduisende Afrikaners het die eed van die Ossewabrandwag tydens die oorlog gestand gedoen. Daar was geen vlugteling aan wie ooit herberg geweier is nie. Elkeen het sy plig getrou gedoen, of dit binne in die tronkselle, in die skadu van die galg of die ondersteuning van 'n funksie was; nooit het die trou van die Ossewabrandwag in gebreke gebly nie.

Daar is sprake dat die regering 'n verkiesingsbom in die mou hou. Sommige leiers het reeds by voorbaat opsy gestaan. Net so min as wat die Ossewabrandwag tydens die oorlog vir die regering gevlug het, net so min sal hy as daar iets moet gebeur, opsy staan.

GETROUSTE

Die O.B. staan in die bewys dat hy die beste en trouste manne van die volk in sy gelede tel. Die O.B. is soos 'n magneet, hy trek net staal, het die K.G. verklaar.

Die Brandwagte van Malmesbury het die aand gesellig saam verkeer en van die geleentheid gebruik gemaak om die geboortedag van die O.B. in die aanwesigheid van die K.G. en genle. dr. Erika Theron, hoofvrou van Wes-Kaapland, te herdenk.

Genle. Theron het namens die Wes-Kaaplandse gebied haar innige dank uitgespreek vir die ywer en opofferende werk wat die vroue hulle die afgelope jaar getoos het om 'n „verjaardag-geskenk” aan die O.B. te bring.

Mnr. Ben Botha van Stellenbosch, 'n oud-politieke gevangene, het interessante staaltjies uit die tronklewe vertel, en

daarop gewys dat elke politieke gevangene na al die jare in die tronk met hart en siel die leiding van die Kommandant-generaal ondersteun.

Die aanwesiges is met musiek en voordrag vergas.

Laat Ons Weier Met Gevoude Arms Onder Te Gaan

By geleentheid van O.B.-dagviering te Hoopstad op 9 Augustus het genle. mev. C. Meyer, hoofvrou van Gebied C, die volgende boodskap in haar toespraak gelewer:

Ons herdenk vandag weer die geboortedag van die Ossewabrandwag. Ons dink veral aan die besieling wat daar uitgegaan het van daardie Volksfees van 1938 en ons volk opnuut wakker geskud het.

Hierdie dag is vir ons nie net 'n dag van feesviering nie,



Mev. Genle. Meyer.

maar 'n offerdag, 'n geleentheid om te antwoord op die roepstem.

Wie ken nie ons Volksbeweging nie? Wie ken nie die offers wat hy moes bring nie? Vir meer as ses jaar was hy voelvry verklaar vir enige een om op te skiet of te skel, maar nog is hy in die veld en in die hitte van die stryd.

Hy moes die grootste vervolging dra. Waarom? Omdat dit nie 'n nul was nie. As dit niks beteken het nie, sou dit nie die moeite werd gewees het om dit te vervolg nie.

SY NEURENBERG

Nou weer wag 'n Neurenberg die O.B. 'n Swaard hang

Villiersdorp

In verlede week se uitgawe is in 'n opskrif berig dat Villiers 'n nuwe kommando gestig het. Soos ook blyk uit die inhoud van die berig is dit natuurlik op Villiersdorp waar besluit is om weer 'n kommando op die been te bring.

TULBAGH

Die kommando van Tulbagh het vir O.B.-dag reeds meer as £70 inbetaal. Daar is nog geld uitstaande sodat die bedrag nog hoër opgeskuif sal word. — (Meegedeel.)

EXCELSIOR WYNE, BRANDEWYNE EN LIKEURE

Die alombekende drankies. Die skoonste van kleur, die fynste van geur wat u ooit geproe het. Drinkies wat nie alleen pryse wen op tentoonstellings nie; maar wat deur alle fynproewers aangeprys word.

PRYS LYS		PRYS LYS	
Per bottel in kassies van 12 bottels	Per gelling in 5 vaatjies	Per bottel in kassies van 12 b.t.	Per gelling in 5 vaatjies
WYNE:			
Ou Port	2/9 —	VONKELWYNE:	
Inwale Port	3/3 —	Grand Spumante (Soeterig)	10/3 —
Spesiaal Soet	2/9 12/6	Grande Splendore (Droog) 7/9 —	
Wit en Rooi Jeripiko	2/- 10/-	Vonkel Boergonje	8/9 —
Wit en Rooi Malmsey	2/- 10/-	BRANDEWYNE:	
Wit en Rooi Muskadel	1/11 9/6	Aurora V.S.Q. (Die allerbeste)	20/- —
Soet Port	1/11 9/6	Eureka	8/6 —
Port, Pontak, Worcester Hoek	1/10 9/-	A.L.	8/- —
Spesiale Sjerrie (Soeterig) 1/10 9/-		Royal	8/6 —
Goudkleurige Sjerrie	1/9 8/6	Boegoe	7/6 —
Ou Bruin Sjerrie	2/6 —	LIKEUR:	
„Cocktail”	4/3 —	Peperment, Perske, Appelskoos, Piesang	7/- —
Vermouth (Droog of Soet) 3/-		Kersie, Anys, Gemmer, Naaltjie	6/6 —
Swartberg Sjerrie	2/9 —	Van der Hum	6/6 —
DROE WYNE:			
Boergonje (Rooi)	2/- —	JENEWER (GIN):	
Riesling (Droë Wit)	1/9 —	Droë, Lemoen, Suurlemoen	7/6 —

VERKOOPSVORWAARDES: (1) Bestellings moet bestaan uit 12 bottels of 5 gelling vaatjie, of veelvoud daarvan. (2) Voeg by 20/- deposito per vatjie of 5/- per kisse met bottels. Hierdie deposito's word dadelik aan u terugbetaal op ontvangs van die leë goed, vraggeld betaald na Viaktepaaits-stasie. (3) Stuur kontant plus deposito's met bestelling of ander lewer ons k.b.a. u naaste stasie.


EXCELSIOR WYNMAKERY (EDMS.) BPK.
POSBUS 1, VLAKTEPLAATS-STASIE, K.P.

A.V.B.O.B.
Lykbesorgers, Grafsteenmakers, Begrafnisversekeraars
Bloemfontein — Pretoria
180 Takke

PLUIMVEE
Die Beste Firma om 'n PLUIMVEE EIERS en ander PRODUKTE aan te stuur is:
C. M. ELOFF EN KIE.
(Edms.) Bpk
MOREMARK (Posbus 7185) Newton

Vir Baie Plaasdoeleindes-

Maar van Uitstaande Doeltreffendheid



COBORN
PETROL/PARAFFIEN ENJINS

	MODEL C.3	MODEL C.6
SILINDER DEURSNY	3 dm.	3½ dm.
ONTSTEKINGSKRAG	3½ dm.	4 dm.
MAKSIMUM P.K. TEEN 2.000 R.P.M.	3.8	6.1
PETROLTENK KAPASITEIT	1½ gel.	2½ gel.
OLIEBAK	2 pinte	4½ pinte
GEWIG (sonder verpakking)	148 pd.	207 pd.
PRYS V.O.S. JOHANNESBURG	£57	£65

HIERDIE enjins voldoen aan die toenemende aanvraag vir 'n vertroubare masjien van 'n eenvoudige dog sterk ontwerp. Hulle werk vir 'n lang tydperk onder enige weerstoestand, veral buite, met die minste geskoolde aandag.

Enige van die unieke eienskappe van die Coborn Enjin . . . SOLEX VERGASSER — vergemaklik vinnige vat . . . MAGNEET— gewaarborg teen weerstoestand . . . AFNEEMBARE SILINDERKOP — om koolstof spoedig te verwyder . . . KRUKAS — gevorm op groot spitsvormige koelrollaers wat afsonderlik gehuisves is . . . DOELTREFFENDE VERKOELING onder alle toestande — sentrifugaal waaier in vliegwiël gegiet — geen oorverhitting nie — geen risiko van gekraakte silinders nie . . . SPAARSAAM op brandstof teen maksimum drykrag . . . SMERING deur pomp en spatstelsel.

COBORN ENJINS is ideaal vir die AANDRYWING VAN POMPE, VERLICHTINGSTOESTELLE, HOUTWERK- EN MAALMASJIENE, asook vir ander gebruike.

Vir Verdere Besonderhede skryf aan:

CONTINENTAL & S.A. TRADING CO. LTD.
Van Riebeeck-gebou, De Villiersstraat 15
Posbus 8363 JOHANNESBURG Foon 33-8931

ASPIRANTE AAN OPDRAG HERINNER

Genl. W. R. Laubscher, Voorligtingsoffisier, skryf: Dit is onder my aandag gebring dat O.B.-lede in verskillende kiesafdelings in Kaapland lastig geval word deur voornemende aspirant-kandidate van die H.N.P. wat gretig is om uit te vind of O.B.-lede vir hulle sal steun indien hulle as H.N.P.-kandidate genomineer mag word by die eersvolgende Algemene Verkiesing. Sodanige persone wil dan graag die belofte van O.B.-steun gebruik om hul saak by die partynominasie te bevorder. Voornemende aspirant-kandidate wat op hierdie manier optree, handel teenstrydig met die uitdruklike voorskrif van hul partysekretaris, mnr. F. C. Erasmus. Laasgenoemde se waarsku-

wing aan hulle lui: „Persone wat hulself vooraf beywer om hulself as kandidate benoem te kry loop die gevaar dat daardie onnodige voortvarendheid teen hulle met nominasies gebruik kan word.” —Die Kruithoring, 16 Julie 1947. Mnr. Erasmus het in Die Kruithoring van genoemde datum „alle takke en rade, en alle aspirante vir setels daaraan herinner dat die Kaaplandse Hoofraad baie beslis neergelê het dat die kwessie van kandidate met die aanstaande verkiësing nie nou bespreek mag word nie.” O.B.-lede sal miskien goed doen om „voortvarende” aspirant-kandidate effe tot bedaring te bring deur hulle daarop te wys dat kandidaat-kwessies nie nou bespreek mag word nie!

Suid-Afrika En Indië

Die onderhandelings tussen die Unie-regering en die regering van Indië het op 'n dooie punt uitgegaan, blykens 'n reeks kabelgramme wat genl. Smuts en Nehru gewissel het. Dit is hoofsaaklik as gevolg van die agressiewe houding van Indië.

„DIE O.B.” WOENSDAG, 27 AUGUSTUS 1947

Ons Groet Engeland Sonder Trane

Engeland lê op sy sterfbed. Soos alle groot empires ten ondergaan wanneer hulle die volheid van hul wêreldplundering bereik het, so is ook hierdie vertrapper van klein nasies vandag besig om onder die puin van sy eie ongeregtighede toe te val; en soos die burgers van vorige wêreldryke ná al die vettigheid van hul genietinge om brood en spele gevra het, is ook die volk van Brittanje vandag besig om die hand uit te strek na brood en spele—brood wat deur die dominiums verskaf moet word en die spele wat hulle darem nog self organiseer.

En nou verneem 'n mens 'n klaagsang nie alleen onder afstammelingen van Brittanje nie, maar selfs in sogenaamde republikeinse kringe in Suid-Afrika. Vir sommige mense kom dit blykbaar geleerd en waardig voor om by die weenkoor in te val omdat dit tans mode in die Britse wêreld is. Hulle kom ook aangedra met pleidooie vir hulpverlening aan Brittanje omdat laasgenoemde dan ons beste klant is en sy verval ook ons skade sou beteken.

Niemand met effens 'n insig sal betwis dat die instorting van 'n wêreldryk gepaard sal gaan met 'n mate van ekonomiese ontwrigting nie, en ook nie dat die verbreking van eeu-oue bande met Brittanje vir 'n tydjie pynlik vir sy Ryksdele mag wees nie, maar waar hierdie instorting plaasvind te midde van 'n bestaande wêreldontwrigting kan ons nie anders sê nie as dat dit min of meer op sy tyd gepas het.

Want as Brittanje se verval 'n ontwrigting vir die wêreld sal wees dan is die feit dat 'n tagtig miljoen mense in Duitsland in gate moet woon, dit ook. En tot 'n paar maande gelede was dit nog een van Brittanje se positiewe oogmerke om die fabriekke waarvan Duitsland moet lewe, weg te dra vir homself en uit te deel aan die Russe.

EN VRYHEIDSOORLOG?

Maar van ontwrigting gepraat, was die driejarige Vryheidsoorlog met al sy moord en verwoesting nie vir die Republikeine van toe 'n veel groter ontwrigting nie? Moes hulle afgesien het van hul stryd omdat die Britse troepe hulle 'n stofflike skade van 80 miljoen pond berokken het en twintig persent van hul vroue en kinders van honger laat sterf het? In die anderhalwe eeu van vryheidstryd was daar altyd genoeg republikeine wat bereid was om vir die vryheid van hul volk ontwrigting te verduur; en omdat ons in Brittanje se instorting die verwesenliking sien van 'n eeu-oue vryheidsideaal, kom die pleidooie om hulpverlening aan Brittanje uit Afrikanerkring vir ons voor soos 'n late bekering tot die imperialisme. Want as die ekonomiese bande met Engeland wat ons al die jare wou verbreek, nou weer sterk gemaak moet word ter voorkoming van ontwrigting, dan was die hele stryd teen die Britse konneksie 'n klug en dan was die jingo nog altyd reg. En as in die aangesig van 'n ongunstige handelsbalans van £60 miljoen met Engeland laasgenoemde deur 'n Afrikaanse koerant voorgehou word as Suid-Afrika se beste klant, dan skyn dit of die bekering wel grondig moes gewees het.

BRITSE SEENINGE

Wat ons betref, ons sien in die ondergang van Brittanje nie veel oor te ween nie. Engeland het hom versluk, en ons is nie bereid om hom te laaf nie. Ons is bewus van die skade wat hy Suid-Afrika en 'n groot deel van die wêreld aangedoen het. As ons die seëninge van Britse beskerming begin tel, struikel ons oor groot erosieslote in ons volk. Ons sien byvoorbeeld hoe genl. Smuts, die Boeregeneraal van weleer, in sy stryd om „behoud van die blankedom” hom moet afsloof vir die invoer van immigrante wat die vakante plek moet kom vul van 27,000 vroue en kinders wat in Britse konsentrasiekampe om die lewe gebring is; ons sien ook hoe die Engelse afstammelingen in Natal 'n verloorstryd moet voer teen 'n kwartmiljoen Indiërs wat Brittanje daar kom plant het; ons verneem ook hoe selfs op hierdie dag die Engelse kolonis in Rhodesië uit Londen belet word om sy natuurle vraagstuk in belang van die blanke aan te pak—en dit klink vir ons bekend omdat ons self met 'n Brits-verknoeiende natuurle vraagstuk sit.

Met die verdwyning van Brittanje as wêreldmag sal sommige van hierdie slote wel opgevolg kan word. Daarom sien ons in sy ondergang nie net ontwrigting nie, maar ook positiewe verligting, en die belangrikste hiervan sal wees die hoop op uiteindelijke eenwording van die blanke ras in ons land omdat enersyds die groot onderploeger van die Afrikanervolk daarmee tot 'n verdiende rus sou kom, en andersyds die Engelssprekende in Suid-Afrika die voorskoot van die ouma sal los wat hom so lank weerhou het om op selfstandige bene langs die Afrikaner in te val vir die welvaart van sy vaderland.

En met hierdie verwagtings voor oë ... groet ons Engeland sonder trane.

Kerk Bearbei Nie-Blankes Verligting Vir Italië

Die Algemene Sendingkommissie van die N.G.-kerk in Kaapland is van voorneme om sowat £150,000 in die lopende boekjaar aan werk onder nie-blankes te bestee. Dit beteken dat elke lid van die N. G. Kerk sowat 8s. 6d. per jaar tot die sending bydra.

Argentinië en ses ander Latyns-Amerikaanse Lande het by die sekretaris-general van die V.V.O. aangedring op hersiening van die vredesverdrag met Italië met die oog op ligter voorwaardes.

HULPKRAGTE SAL DEURSLAG BY VERKIESING GEE

Veldmaarskalk Jan Smuts het Suid-Afrika onlangs aan die proes gesit met 'n kostelike stukkie snobisme toe aangekondig is dat mnr. Harry Lawrence, van Soutrivier, in September na die vergadering van die V.V.O. sal gaan om aldaar met die Indiërs te gaan gesels!

Veldm. Smuts en sy adjunk, mnr. Jannie Hofmeyr, gaan in Suid-Afrika bly om te woel met die oog op die komende verkiesing.

Dr. D. F. Malan en sy vennoot, mnr. N. C. Havenga, het die stilswyende uitdaging aangeneem en het reeds telkemale bors-aan-bors die verhoog bestyg ten einde die lendene van hul volgelinge vroegtydig te oorgord.

HULPMAGTE

Die belangrikheid van die twee hoofgroepe, nl. die Smuts-Hofmeyr-kombinasie en die Malan-Havenga-vennootskap, wat by die op hande synde verkiesing teenoor mekaar te staan sal kom, durf nie oor die hoof gesien word nie. Hulle sal die kolonnes verskaf wat in die beloofde titaniëse verkiesingstryd mekaar aan die kele gaan gryp. En dat hulle mekaar in magtige grepe kan vaswoel is glad nie uitgesluit nie. Die uitslag van die stryd kan dan maklik bepaal word deur die hulpmagte wat die onderskeie groepe kan aanbring. Daarom is die belangrikheid van die hulpmagte moeilik te oorskakel.

Die hulpmagte wat beskikbaar is en wat aangebring kan word, is enersyds die Ossewabrandwag en die Madeley-groep van die Arbeidersparty en andersyds die MacPherson-groep van die Arbeidersparty.

BENONI

Wat die twee Arbeidersparty-groepe betref, wil dit voorkom asof die tussenverkiesing in Benoni hulle lot deurslaggewend gaan bepaal. As die koerantberigte juis is, moet mens aanneem dat die Malan-Havenga-vennootskap geen kandidaat gaan stel nie, maar die Madeley-Arbeiders se kandidaat sal steun. Dit beteken dat laasgenoemde groep as hulpkrag in die stede deur die Malan-Havenga-vennootskap aanvaar

Dan Mos Nie Vir Brittanje!

Die burgemeester van Kaapstad het verlede week sy teleurstelling uitgespreek oor die feit dat sy oproep om bydraes vir 'n trougeskenk aan die Britse prinses 'n skamele £600 opgebring het terwyl hy minstens op £5,000 gehoop het.

Ná die koninklike geskenke-reën aan die begin van die jaar is die Suid-Afrikaanse publiek natuurlik nou al taamlik opgedroog in hierdie rigting. Maar gebrek aan bydraes is seker vir 'n deel ook toe te skryf aan die onsekerheid wat daar by die skenkers bestaan het oor die soort present wat gekoop moes word. Daar is naamlik aan die begin van die kollekte gesinspeel op 'n moontlike liefdadigheidsinrigting in Suid-Afrika wat met die geld tot stand gebring moet word — 'n lewende geskenk, so is gesê. Dit was natuurlik hoegenaamd nie 'n stimulerende gedagte vir die Britse lojale harte nie, wat nou as 'n laaste poging voorgestel het dat vir die £600 lekkergoed gekoop moet word vir die Britse kinders!

word en deur selfstandige kandidaatstelling erken word. Die Smuts-Hofmeyr-kombinasie hink blykbaar nog op twee gedagtes. As hulle 'n kandidaat gaan stel langs die kandidaat van die MacPherson-groep wat reeds benoem is, kan dit beduide dat veldm. Smuts hierdie hulpkrag wil suiwer van die odium van kommunisme wat afstotend aan hulle kleef. Veldm. Smuts sal dan vertrou dat 'n sterk houding tot gevolg sal hê dat die groep sy geestelike moeder, mev. Jessie MacPherson, en haar leerstellings oorboord sal gooi ten einde die weg voor te berei vir 'n ooreenkoms met die Verenigde Party waaroor laasgenoemde hom nie sal hoef te skaam nie.

OSSEWABRANDWAG

Die houding ten aansien van die derde hulpkrag, nl. die Ossewabrandwag, is vir die toeskouer heelwat meer ingewikkeld en gevolglik ook onduideliker.

Mnr. Havenga, die leier van die Afrikanerparty en die H.N.P.-leier se vennoot, handhaaf vriendskaplike betrekkinge met die O.B. Die Afrikanerparty verwelkom O.B.-lede in die party met behoud van hul „non-partypolitieke” identiteit.

Die H.N.P. se houding teenoor die O.B. maak die situasie baie troebel. Afgesien van die feit dat die party sy oorlogse stryd teen die O.B. nog nie afgelas het nie, kan die party blykbaar op die huidige tydstip geen houding teenoor die O.B. bepaal wat vir alle seksies in die party aanneemlik is nie.

Enersyds verklaar dr. Malan in sy pers dat hy geen rede sien waarom die stryd teen die O.B. moet voortgesit word nie, want die party het die nodige veiligheidsmaatreëls getref; andersyds het Die Kruithoring, amptelike orgaan van die H.N.P., in die jongste en voorgaande uitgawes homself gehaas om bitsige en totaal ongevaarde aanvalle op die O.B. te doen.

Enersyds probeer mnr. Havenga om die O.B. as belangrike en moontlike deurslaggewende hulpkrag in te skakel by die Opposisievennootskap. Andersyds doen Die Kruithoring alles in sy vermoë om O.B.-lede af te skrik en vyandig te stem.

HOE LANK?

'n Mens wonder hoe lank Die Kruithoring gaan aanhou met sy aanvalle op en verdagmakery teen die O.B. wat die

Bykomende Nood In Engeland

Om die kroon te span op die Britse ellende wat hom met ondergang bedreig, is 'n droogtetoestand afgekondig. Na die warm somer het die reën nog steeds weggebly. Die droogte is 'n bedreiging vir die Britse oes en het al verskeie bös- en veldbrande laat ontstaan.

Dorpe wat tydens die winter byna deur die vloedwaters versuip is, moet tans hulle drinkwater met emmers aandra.

bondgenoot van die Afrikanerparty is, wat weer op sy beurt die bondgenoot van Die Kruithoring is. Hoe lank gaan dr. Malan dit duld? En hoe lank gaan mnr. Havenga dit duld? En hoe lank gaan die O.B. dit verdra?

Die Kruithoring self verdedig sy aanvalle op die O.B. deur te verklaar dat hy daarmee die Engelssprekendes, wat nie van veldm. Smuts of van die O.B. hou nie, na die mond praai. Die blad meen dat die H.N.P. moet kies tussen hierdie Engels-

Politiek in Oënskou deur Waarnemer

sprekende kiesers wat ontevrede is met die Smutsbewind en hopen vir die H.N.P. sal stem en die O.B.-kiesers. Altwee seksies se stemme, meen Die Kruithoring, kan die H.N.P. nie kry nie. Die blad verkies om te vry na die Engelssprekendes se stemme.

VERSKILLEND

Die Kruithoring baseer sy verwagting dat die H.N.P. genoeg Engelse stemme gaan trek om die O.B.-stemme te kan versmaai, op die uitslae van die jongste tussenverkiesings. Die blad vergeet egter dat die tussenverkiesings plaasgevind het tydens skaarstes aan seep, suiker, sement, en ander onontbeerlike artikels; en dat die H.N.P. die tussenverkiesings oor hierdie einste skaarstes gewen het. As veldm. Smuts, wat nie 'n kind in die politiek is nie, by die algemene verkiesing gaan sorg vir oorfloede, op watter gronde gaan Die Kruithoring, van alle koerante, dan Engelse stemme vir die H.N.P. insamel? Op grond van sy haat teen die O.B., wat 'n vriend van sy bondgenoot is?

Ons vrees Die Kruithoring jaag agter 'n seepbal aan. Dit mag pragtige tinte in die son vertoon, maar raak 'n mens daaraan bly niks daarvan oor nie.

Die groot partye mag slagereed wees, maar die belangrike en deurslaggewende hulpmagte moet beslis nog gemobiliseer word.

Suid-Afrika Se Gunstige Posisie

Watter invloed sal die skokke wat die internasionale handel die afgelope week toegedien is, op Suid-Afrika hê? Hierdie vraag het menigeen homself afgevra nadat verneem is dat Engeland die inwisseling van sterling tydelik opgehef het.

Deskundiges meen dat Suid-Afrika vanweë sy goudproduksie nie nadelig getref is nie maar dat hy in 'n unieke posisie verkeer. Suid-Afrika het genoeg goud en sterling om sowel in lande met vry inwisselbare betaalmiddels as in lande met nie vry inwisselbare betaalmiddels, sy voorrade te kan koop.

Die Unie se goudreserwe is ook genoegsaam om in ons dollarvereistes te voorsien.

Oorlog te Weerstaan Is, 'Oorlogsmisdaad'

Die negende verjaardag van Augustus, op gesellige wyse Johannesburg. Die funksie het genl. D. Erlank, offisier-in-bevel

Die K.G. is ontvang deur 'n erewag van Boere-seuns en -dogters, wat opgetree het saam met 'n gedeelte van die Boerejeug-orke. Vir hierdie deel van die verrigtinge het die K.G. later in die aand hulde gebring aan Jeughoofkommandant Ben du Toit, en hoofkommandante Du Toit, wat in hierdie gebied welbekend is vir hul onvermoeide ywer in belang van die Boerejeug.

Hfgentl. B. J. Vorster het die K.G. verwelkom en verklaar dat wat ookal met die K.G. mag gebeur, ons vertroue in hom nie geskok sal word nie.

Die K.G. het in sy toespraak beklemtoon dat die O.B. 'n magsfaktor in ons volkslewe is wat sal bly voortbestaan, omdat die beweging die draer is van die republikeinse gedagte en omdat tien-duisende Afrikaners steeds getrou gebly het aan die eed dat hulle hul mede-Afrikaners in die stryd nie sal verlaat nie, en aan die vyand nie sal uitlewer nie.

DIE BOM

Die K.G. het met verwysing na die sg. „politieke bom” verklaar dat dit blyk dat die oorlogsmisdadigers nie daardie mense is wat die oorlog gevoer het nie, maar wel diegene wat die slagting wou verhoed. As ander mense van die bom af wil padgee, staan dit hulle vry. Die O.B., egter, sal nie padgee nie.

Spreker het daarop gewys dat die O.B. nie gesoek het na die dinge wat hom oorval het nie. Die taak van die Beweging was oorspronklik uitsluitlik om die eenheidsdrang van die simboliese Ossewatrek te bevorder in die gees van die eed wat later by Monumentkoppie afgeleë is. Maar oornag het toestande verander, en het talle Afrikaners, die Afrikaners van Monumentkoppie, hulle in kaffertronke bevind, sonder aanklag en sonder verhoor. „Toe het manne soos hierdie oudgevangenes op die verhoog na vore getree,” het die K.G. verklaar.

ASIATE-MAG

Spreker het verwys na die geskiedkundige gebeurtenis op 15 Augustus toe 400 miljoen Asiëte onder blanke heerskappy uitgegaan het. Die K.G. het verklaar dat die afgelope oorlog 'n broedermoord was en dat die vrywording van Indië, asook die opkoms van die Asiëte-wêreld elders, dit gebiedend noodsaaklik maak dat die blankes mekaar vind en saamstaan.

„In die komende verkiesing,” het die K.G. gesê, „sal die O.B. sy plig doen. Die leiding in hierdie verband kan gerus in die hande van die Grootraad gelaat word.” Die K.G. het verwys na die uitdrukking wat deesdae dikwels gehoor word.

Die stigter van die „Nuwe Protestantse Kerk”, dr. D. J. de Vos, en sy broer het met hul gesinne afgeskei van die nuwe kerk weens verskil oor beleidsake. Dit gaan oor 'n artikel wat dr. De Vos in die orgaan van die kerk geskryf het. Hy het nog nie besluit op hy weer 'n kerk sal stig nie.

die O.B. is op Saterdag, 16 gevier in die Eendragssaal, plaasgevind onder leiding van van die afdeling.

nl. dat hierdie verkiesing ons laaste kans is, en hy het verklaar dat indien dit so was, die toekoms werklik donker lyk; maar hy glo nie dat daar iemand in die gehoor is wat eerlik hierdie mening toegedaan is nie. Of verkiesings nou gewen of verloor word, die Afrikanerdom gaan voort en as hy die Afrikaners reg verstaan sal hulle altyd 'n kans maak of 'n kans vat.

BELANGRIK

Nietemin is hierdie verkiesing baie belangrik en gaan die O.B. sy deel doen om van hierdie allerswakste regering wat ons

O.B. Steun A.P. Om Twis Te Beëindig Sê Gebieds- leier

Maatreëls om die H.N.P. wat nog altyd vyandskap met die O.B. handhaaf, in 'n posisie te dwing om vrede met die Ossewabrandwag te maak, is deur die Gebiedsleier van Wes-Kaapland, dr. F. D. du T. van Zyl, in die Hofmeyrsaal, Kaapstad, behandel tydens die viering van O.B.-dag. Deur die Afrikanerparty, wat die O.B. goedgesind is te steun, dra die O.B. nie alleen sy deel tot die oorwinning by nie, maar vrywaar hy homself ook teen verdere aanvalle, het genl. Van Zyl gesê.

Dr. Van Zyl het die geweldige aanslae van Rusland op die Westerse beskawing behandel. Hierdie kolos huldig 'n lewensbeskouing wat die ondergang van die Weste inhou. Hy het reeds sy wortels oor die hele Wes-Europa uitgebrei sodat hy 'n byna onkeerbare mag geword het.

Ook in die Ooste het daar 'n nuwe maatskappij van 400 miljoen siele verrys wat homself tereg die ster van die Ooste noem. Hy verkeer nog in die dronkenskap van sy pas verkreeë vryheid. Dit is baie duidelik dat hierdie maatskappij 'n rol in die toekoms sal speel. In Suid-Afrika het Indië sowat 300,000 verteenwoordigers en baie miljoene in die ander dele van Afrika. Watter bedreiging dit vir blanke Suid-Afrika inhou is vanselfsprekend.

PARTYPOLITIEK

Daar was dae toe ons met groot afkeer van die partypolitiek gepraat het, het spr. vervolg. Hierdie afkeer het steeds groter geword en vandag bereik dit nog eens nuwe hoogtes omdat dit die volk onmagtig maak. As gevolg van die partypolitiek sal die blanke beskawing in Suid-Afrika nog ondergaan.

Ter selfdertyd moet ons nie die oë sluit vir die geleentehede wat hom voordoen om iets te doen en die gevaar af te wend nie.

Die saamwerkbeleid van die O.B. het reeds tot so 'n mate ingeslaan dat die Afrikanerparty en die H.N.P. besluit het om saam te werk. Die vraag is nou hoe moet die Ossewabrandwag ten opsigte hiervan reageer?

O.B. FORSEER VREDE

Die O.B. stel belang daarin hoe die partye gaan optree, maar een van hierdie partye maak dit vir die O.B. onmoont-

nog gehad het, ontslae te raak.

Saam met die K.G. op die verhoog het verskyn oudgevangenes, Jan van Zyl, Wessel Cronje, Willie van Rensburg, H. Pretorius, Carl Kriel en Vale Ferreira.

Willie van Rensburg het die gevangenes beskrywe as soldate wat in die slag gebly het. As hulle 'n begeerte mag uitspreek, sou hulle graag sien dat daar nie by hulle stilgestaan word nie, maar dat elke brandwag die stryd voortsit.

Hfgentl. Vorster wat die oudgevangenes, aan die gehoor voorgestel het, het verklaar dat hierdie ses manne tesame tot 37 jaar tronkstraf gevonniss is.

Die funksie het die afdeling van genl. Erlank in staat gestel om hul jaarlikse verpligting van £250 na te kom. — (Korr.)

lik om saam met hom langs een vuur te sit. Die vennoot van hierdie party—die Afrikanerparty—het egter nog alles ten beste vir die O.B. gedoen.

Daarom is dit ons beleid om die hande van die Afrikanerparty te sterk en die H.N.P. in 'n posisie te dwing waarin hulle nie langer die twis met die O.B. kan handhaaf nie. Dit is ons hoofdoel om die twis te beëindig.

Hieruit vloei ook voort dat indien die O.B. die A.P. steun, hy geleentheid kry om sy klein deel by te dra en te doen wat hy dink reg is. Maar hy kry ook kans om 'n borswering op te rig teen die aanvalle van die H.N.P. Daarom het duisende O.B.-lede spontaan lid geword van die A.P. en dit gedoen met die goedkeuring van die Leier van die Ossewabrandwag.

TWIS UITGESKAKEL

Indien hierdie twee partye daarin slaag om die meerderheid by die verkiesing te behaal, sal die meerderheid maar baie gering wees. Die H.N.P. sal nie aan bewind kan bly sonder die steun van die A.P. nie wie se bydrae tot die oorwinning die belangrikste is. Daarom kan hy nie waag om met die A.P. te twis nie.

Indien die H.N.P. dan nog begierig is om met die O.B. te twis, sal hy ook met die Afrikanerparty moet twis omdat die O.B. toevallig ook lede van die A.P. is.

Behaal die twee partye egter nie die meerderheid by die verkiesing nie, sal hulle 'n sterk opposisie vorm. Ook hier het die H.N.P. die steun van die A.P. nodig. Twis hy dan met die O.B. dan twis hy met die Afrikanerparty, en twis hy met die A.P. dan twis hy met die O.B.

So hoop die Ossewabrandwag om 'n einde aan die twis te maak, het die Gebiedsleier onder toejuiging verklaar.

PRETORIA! AANDAG! Ossewabrandwagdag

Word gevier op

Sat., 6 September 1947

Vanaf 2 uur n.m. tot 11 uur n.m.

te

Klipkoppies, Pretoria

Kom geniet Warm Etes en Boeregeregte, Volkspede en Boeresport.

TOESPRAAK OM 7.30 N.M.

GEBIEDSGENERAAL Prof. Dr. H. M. VAN DER WESTHUYSEN.

MEUBELS Beskerm u Oë

PRYSE STYG VINNIG

KOOP NOU

Ons hou alleenlik goeie kwaliteit Meubels in voorraad

WERDA

Meubelhandelaars

(EIENDOMS) BEPERK

Groote Kerkgebou — Kaapsta

Bring u oogarts se voorskrif na ons. Laat gekwalifiseerde Voorskrif-Oogkundiges u bedien.

Wahl, Lawrence
EN KIE.

BRILMAKERS

Adderleystraat 120a, Kaapstad

Foon 22408

OLIE en WATERVERF

VIR KUNSTENAARS EN STUDENTE

SO PAS AANGEKOM!

WINDSOR EN NEWTON-MAAK

OLIEVERF:

Flake White en Zinc White: 10d., 1/10, 2/2, 3/3 per buisie

Die Volgende Kleure:
11d. per buisie

Paynes Grey; Deep Ultramarine; Permanent Blue; Terra Verte; New Blue; Naples Yellow; Harrison Red; Alizarin Crimson; French Ultramarine; Scarlet Lake.

Die Volgende Kleure:
10d. per buisie

Burnt Sienna; Indian Red; Burnt Umber; Ivory Black; Light Red; Raw Umber; Raw Sienna; Yellow Ochre.

Die Volgende Kleure:
2/- per buisie

Vermillion; Aurora Yellow; Permanent Blue; Naples Yellow.

Die Volgende Kleure:
3/6 per buisie

Cadmium Green; Cobalt Green; Cadmium Orange; Cadmium Deep Red; Cadmium Yellow; Aureolin; Cobalt Blue.

Rose Madder: 5/9 per buisie

Die Volgende Kleure:
2/2 per buisie

Grootbuisie
Burnt Umber; Yellow Ochre; Light Red; Raw Umber.

WATERVERF

Serie 1 — 10d. 1-pan

Naples Yellow; Light Red; Indian Red; Raw Umber; Yellow Ochre; Permanent Blue; Burnt Umber; Venetian Red; Ivory Black; Raw Sienna; Chinese White; New Gamboge.

Serie 2 — 1/2 1-pan

Alizar; Carmine; Scarlet Lake; Sepia; Rose Madder; Aliz. Crimson.

Serie 3 — 1/6 1-pan

Lemon Yellow; Cadmium; Orange; Cobalt Blue; Oxide of Chromium; French Ultramarine.

Serie 4 — 2/+ 1-pan

Cadmium Yellow; Cadmium Red; Vermillion; Aureoline.

Pro Ecclesia- Boekhandel

POSBUS 29

STELLENBOSCH

GEKLASSIFISEERDE ADVERTENSIES

TARIEF VIR GEKLASSIFISEERDE ADVERTENSIES:

Huishoudelike Kennisgewings:

(Verloving, huwelik, geboorte, sterfgeval, in memoriam, gelukwensing, ens.) 1½ d. per woord; minimum 3/- per plasing. Vooruitbetaalbaar. Vir herhalings 25 pst. afslag.

Handelsadvertisies:

Enkel plasing (vooruitbetaalbaar) 2d. per woord. Minimum 4/- per plasing. 2 tot 26 plasinge (vooruitbetaalbaar) 1½ d. per woord, minimum 3/- per plasing. 52 agtereenvolgende plasinge: 1d. per woord, minimum 2/6 per plasing. Plasinge tot kansellasië, 1½ d. per woord, minimum 3/- per plasing.

Intekengeld op „Die O.B.“ (verskyn weekliks): 10/- per jaar of 5/- vir 6 maande. Vooruitbetaalbaar. Stuur advertensiegeld en bestellings na Posbus 28, Stellenbosch, en intekengeld na Posbus 1411, Kaapstad.

VERLOWING

BESTER—OOSTHUIZEN. — Hiermee wens ons, Doreen, jongste dogter van mnr. en mev. H. J. Oosthuizen, van Parow, en Willie (Harry), oudste seun van mnr. en mev. W. J. A. Bester, van Gezina, Pretoria, bekend te maak dat ons op 25 Augustus verloof geraak het. 27/8/1

DE JAGER—VAN ZYL. — Hiermee wens ons, Daisy, dogter van mnr. en mev. P. Batt, van Montagu, en Andries, adjutant van die Montagu-Mannekomaando aan ons vriende en kamerade bekend te maak dat ons verloof geraak het. 27/8/1B

HUWELIK

Vir Partytjies, resepsies, dines, probeer die Kaapstadse Afrikaer-Koffiehuus (K.T.K.). Uit Wandelgang, Groot Kerk-gebou. Lug heerlijk verwarm en gesellig op koudste dag. Gerieflike, hofflike en doeltreffende diens.

DANKBETUIGING

NEETHLING. — Hiermee wil ons ons innige dank betuig aan familieleden, vriende en belangstellende vir telegramme, kranse, trooswoorde en hulp met die skielike heengaan van ons geliefde eggenoot en vader, Tielman Johannes Neethling (Tollie). — Die bedroefde eggenote, Annie Neethling en dogter Annalie. 27/8/1B

BIELDT. — Langs hierdie weg wil ons Wolsey se O.B.-kommando, vriende en familie hartlik bedank vir blyke van deelneming in die onlangse verlies van ons broer en oom. — Veldk. en Asst.-veldk. L. Bielt en gesin, Wolsey. 27/8/1

VRYSTAATSE GOUDVELD EIENDOMME

Vir Elendomme Henneman, Odendaalsrust omgewing, raadpleeg **WELKOM EIENDOMS- EN TRUST AGENTSKAP**, Henneman (Elenaars Alberts en Greeff). Foon 43, Telegramme „Weta.“ 16/4/TK

BETREKKING VAKANT

GEKWALIFISEERDE MOTORWERKTUIGKUNDIGE benodig. By voorkeur „General Motors“-opgeleide werktuigkundige. Salaris f14 per week. — **CENTRAL GARAGE**, Posbus 55, LYDENBURG. 27/8/2

BENODIG

Ko-Operatiewe Wijnbouwers Vereniging van Zuid-Afrika, Bepertk. (Geregistreer kragtens die Wet op Ko-Operatiewe Verenigings, 1939).

VAKATURE VIR ELEKTRISIËN

AANSOEKE gemerk „Elektrisiën.“ word ingewag en sal ontvang word deur die ondergetekende tot en insluitende 26 Augustus 1947, om die betrekking van Elektrisiën in die Elektriese Afdeling van die K.W.V. te Worcester.

Kwalifikasies: Appikante moet gekwalifiseerde gelisensieerde vakmanne in die Elektriese Ingenieursbedryf wees met ondervinding van die onderhoud van elektriese tberusting in die stelsels Wisselstroom en Direkte Stroom.

Salaris: Salaris volgens kwalifikasies en ondervinding.

'n Gesondheidsertifikaat is 'n vereiste. Daar is 'n pensioenskema vir dié personeel.

SEKRETARIS, K.W.V., Posbus 528, ZUIDER PAARL.

BOME, PLANTE EN SAAD

AMERIKAANSE BOOMANGELIËR-PLANTE. — Sterk, goed gewortelde angeliërpilante in 12 verskillende soorte teen 7/6 per dosyn, 17/6 vir 50, 30/- vir 100. K.M.B. Posvry in Unie. — **S. C. STANDER**, Bus 20, TZANEEN. 20/8/4B

AARTAPPELMOERE. — Arran Chief en King George, 32/6 per sak van 150 lb.; 22/6 per krat van 100 lb. V.O.S. George. K.M.B. — **H. D. METELER-KAMP**, Bus 47, GEORGE. 23/7/6B

AARTAPPELS. — 50 sak egte eerste na ingevoerde Irish Cobbler-aartappels. Elergrootte en 'n ietsie oor dit. Goede kwaliteit, 30/- per 150 lb. P.M.D. Grootkop. — **J. FERREIRA**, Sina Gertruida, FICKSBURG, O.V.S. 6/8/6B

BESTE GESERTIFISEERDE GROENTESAAD. — Pryslys verkrygbaar. Bestel al u benodigde K.B.A. van: **PREMIERS, SCHOEMANSHOEK**. 20/8/TK

GROENTESAAD. — Detroit en Egiptiese plat beet 7/6; Chantaney-wortels 10/-; Beauty- en Marglobe-tamaties 35/-; Tom Watson-waattlemoen 10/-; Kropsaal 17/6 per lb. Almal 6d. duurder per ½ lb. Handelsnavre verwelkom. — **KARROO-SAADVERSPREIDERS**, Posbus 107, OUDTSHOORN. 20/8/TK

BOME, PLANTE EN SAAD

FRAGTIGE, gesonde en vars graad 1 teen 20/- per 150 lb. Eler-grootte Saadaartappels, tweede na ingevoerde. Skotte Up-to-date 25/- per 150 lb. Almal v.o.s. Betlehem in nuwe sakke wat terug gestuur moet word. Ek waarborg tevredenheid. — **S. W. RABIE**, Kommandant, Bus 328, Bethlehem. 2/7/TK

Ons Koop Die Meeste Van Engeland

Suid-Afrika het reeds die voortou geneem in die koop van Britse goedere en is Brittanje se beste klant. Die aankope het so vermeerder dat die Unie die plek van Indië inneem het. In die tweede kwartaal van hierdie jaar het die Unie £24 miljoen se waarde in Brittanje gekoop teenoor £20 miljoen deur Indië. Australië en Ierland neem die derde en vierde plekke in met £14 miljoen en £12 miljoen onderskeidelik.

Volgens syfers verstrek deur die Unie se Hoë Kommissaris in Londen was die Unie se invoer uit Engeland verlede jaar £75 miljoen teenoor die huidige tempo van byna £100 miljoen per jaar.

Kakamas En Die Kerk

Die stryd tussen die kerk en die regering in verband met die beheer oor die nedersetting by Kakamas het daarop uitge-loop dat die kerk kragtens die ooreenkomme wat bereik is, beheer sal behou oor die administrasie en sake-ondernemings van Kakamas.

Ds. P. du Toit, voorsitter van die A.K.K., het verklaar dat die stryd oor die nedersetting nou beëindig is.

PLAAS TE KOOP

BEESPLAAS TE KOOP. P.P. Ruat-distrik, groot 1819 morges, goed bebou. Groot woonhuis. Rede van verkoopt: gee beesboerdery op. Verdere inligting by: **H. P. SCHEEPERS**, Tata, Pos TOMBURKE, oor P.P. Rust. 27/8/2B

SOUT TE KOOP

BOERE-PAKKET. — Nege sakke wit vee- en 100 lb. fyn bottersout f2-10-0. Nege sakke sneeuwit en 100 lb. fyn bottersout f2-13-6. Vry gelaaai soutwerke. Bestel: **KOMDTE MEV. MARTIE VENTER**, P/s. No. 4, Arbeidsloon, BLOEMFONTEIN. 21/5/TK

SOUT. — Mevrou, u sukkel met growwe tafelsout! Bestel 'n sak fynsout 8/6 per 200 lb.-sak. Meneer, vir u vee is No. 2 die beste teen 49/- per ton. — **S. J. VENTER**, Oranje-soutwerke, P.K. Florisbad, BLOEMFONTEIN. 14/5/TK

SOUT. — Mooi beloftes help nie, dit troos net! Bestel waar u seker is van u geld vir A1 59/-, No. 1 54/-, No. 2 49/-, No. 3 44/- per ton. Bottersout 8/6 per 200 lb.-sak. — **W. H. VENTER**, Soutwerke, P.K. FLORISBAD. 14/5/TK

VRIENDE, ek lewer sout in sakke. A1 59/-; No. 1 54/-; No. 2 49/- per ton en fyn sout teen 8/- per 200 lb. Bestel van my en ontvang 'n goeie gehalte sout met die beste behandeling. — **S. J. DE BEER**, Soutwerke, P.K. FLORISBAD. 27/8/16B

TE KOOP AANGEBIED

WINSKOPIES VIR BOERE. — Sandskoene (nuwe en tweedehands) 10/- per streepsak; blikborde (nuwe) f2-10-0 per 100 of 9d. elk; kosbakke 1/6 elk; panne 1/6 elk; bandoliers 2/- elk. Skryf of kom na: **T. J. MOSTERT**, Tweedehands Meubelhandelaars, Lady Greystraat 93, Paarl. 21/5/TK

TE KOOP GEVRA

BENE. — Die voorsiening van beenmeel is kort. Alle persone wat toegang tot bene het, word ernstig versoek om dit sonder versuim aan ons te stuur. Ons betaal f7 per ton (7/- per 100 pond) vry op spoor u staats of sylyn. Dit is noodsaaklik dat adviesbriewe gepos moet word as bene gestuur word. Spoedige betaling word verseker. Leë sakke word VRY teruggestuur. Ons voedingvoorsiening hang af van die voorsiening van beenmeel. — **S.A. HUNT BEENMEEL- EN KUNSMIS-MAATSKAPPY**, Warrenton.

VOLKSANG- EN VOLKSPELEKURSUS.

'N KURSUS in Volksang en Volkspede word gehou te Vryheid vanaf 4 tot 9 Oktober 1947. Om besonderhede skryf onmiddellik aan **Mnr. C. J. BARNARD**, Posbus 82, VRYHEID.

Stry Nog Oor Halfuur Se Werk

Teen die end van verlede week het die Britse steenkoolwerkers nog steeds in onsekerheid verkeer oor die kwessie van meer werk. Die leiers van die mynwerkers het Vrydag 'n onderhoud met die kabinet gehad, maar kon geen eenstemmigheid bereik oor die vraag of hulle 'n halfuur per dag langer dan wel of hulle op twee Saterdag per maand teen oortyd-betaling sal werk nie. Hulle is nie bereid om af te sien van hul vyfdae-werkweek nie.

LATER: Sapa-Reuter berig uit Londen dat die sekretaris van die Britse steenkoolmynwerkers aangekondig het dat die mynwerkers ingestem het om by wyse van 'n „lening“ tussen September 1947 en Mei 1948 op Saterdag te werk. Hy noem dit die prysgewing na drie maande van 'n hervorming waarvoor 60 jaar lank geveg is.

Verseker u Toekoms

deur die Eienaar te word van

VASTE EIENDOM

★ **BOUPERSELE**
★ **WOONHUISE**
★ **PLASE**
★ **BESIGHEDE VIR DIE KIESKEURIGE PERSOON**

Raadpleeg —

J. (Kotie) THERON
CROXLEY-GEBOU, KUSWEG,

Posbus 78 Foon 0028
STRAND

OSSEWABRANDWAGDAG
LYDENBURG

FONDSDAGVIERING

op

SAT. 6 SEPT. 1947

Opening en Basaar 10-uur v.m.
Kom en geniet heerlike Boere-wors!

Toespraak: 7-uur n.m.

Spreeker: Prof. Labuschagne.

ALMAL WELKOM!

LESER,

U blad kan nie groter word sonder die ondersteuning van adverteerders nie, maar adverteerders kan nie adverteer sonder u ondersteuning nie. Noem dus Die O.B. wanneer u reageer op advertensies en gee voorkeur aan diegene wat u blad ondersteun.

VRUGTEBOERE,

U koop jaarliks bemestingstowwe en spuitstowwe van die een of ander firma. U ondersteun hom daardeur, maar het u hom al gevra of hy u blad met advertensies ondersteun? Solank u dit nie doen nie, ag hy dit nie nodig om dit te doen nie.

HUISVROU,

U koop weekliks by u kruidener en ondersteun hom daardeur. Het u hom al gevra om u blad te ondersteun deur te adverteer daarin? Solank u swyg sal hy dit nie nodig ag nie.

SAAIBOERE,

U koop bemestingstowwe en gereedskap van die een of ander firma, en ondersteun hom daardeur. Het u al by hom aangedring om in u blad te adverteer en sodoende op sy beurt te ondersteun? Doen dit nou, en help u blad om uit te brei!

EGTE LIEFDE
OF
GESLAGSLIEFDE?

'n Volledige Kursus wat baie belangrike **GEHEIME** verklaar wat alle vroue behoort te weet.

KAN U U MAN BEHOU?

word gestuur ná ontvangs van poswissel vir 10/6:

Buro vir Gesinsielkunde,
Geneva-gebou 607

Parlementstraat **KAAPSTAD**

PATATRANKE, reg vir plant, 6-maande, 6/- per 80 lb.; 3-maande wit, 5/6 per 40 lb. of 8/- per 60 lb.; steggies, 6-maande, 5/6 per 1.000; wit en borrie 6/- per 1.000. **K.M.B. SERPENTINE**, by **P. J. GERBER**, C. sn. 20/8/TK

PATATRANKE. — Sesmaande, 83 lb. vir 7/-; driemaande, 60 lb. vir 8/6; steggies, reg vir plant, 6/- per 1.000. Gelewer Serpentine. **K.M.B. Tevredenheid** gewaarborg. — **B. H. GERBER**, C. sn., P.K. Hoekwil, GEORGE. 23/7/TK

VRUGTEBOME. — Rose vir Julie-Augustus-planttyd 1947. Ons pulk voorraad verseker tevredenheid, maar ... die aanvraag is groot, bestel nou en voorkom teleurstelling. — **HERHOLDT SE BOOMKWEKERIJ**, Posbus 660, JOHANNESBURG. AA/26/3/TK

GEMENG

ELEKTRESO (Edms.) Bpk. elektrisiteits- en werktuigkundige Ingenieurs. Hoofweg 30, Bellville. Vir herstelwerk aan alle elektriese huisbenodigdhede; ankerwikkeling; elektriese herstelwerk aan motors, draai-pas-, swels- en herstelwerk aan alle plaas- en ander gereedskap. Telefoneer 9-7223. 27/11/TK

LOOIERY. — Velle lood bewerk na keuse, d.w.s. in leer, goed vir tuis, sool, oorleer, ens. Om besonderhede skryf aan: **L. B. SIEBRITS EN SEUN**, FRANSCHHOEK, K.P. 19/3/TK

SKOENREPARASIES. Ondersteun u mede-Afrikaner en wees verseker van die beste dienste by **VOORTREKKER SKOENHOSPITAAL**, Langstraat 291, KAAPSTAD. Foon 30164. 4879/26

VAN'S CONCRETE PRODUCTS. — Terazzo Kombuls- en Handwasbakke, Baddens, Septiese Tenks, Pilare, Vloer-toëls, Voertroe, Enigets in beton. — Direkteure: **P. W. en P. G. VAN HEERDEN**, Potgieterstraat 258, PRETORIA.

HORLOSIEMAKER

DESKUNDIGE HERSTELWERK aan Horlosies. Alle werk word gewaarborg en spoedige aflewering. — **P. PRETORIUS**, Keeromstraat 18, Kaapstad. (Voorheen Kerkstraat 69). Foon 2-5454

H. J. STEYN, De Villiersstraat 17, VASCO, KAAP, verkoop en herstel horlosies en radios. Enigste agent en invoerder van VELOX-skeermeslemmetjies (Switserse). Foon 98-9292.

KLEREMAKERS

Vir 'n goeie pak kiere of kostuum kom na 'n eerste klas snyer **F. C. HAGEN**, Voortrekkerweg 74, PAROW. 5605/52.

MEUBELS

BINNEVEER-ATRASSE van enige grootte beskikbaar. Airflex, Duros, Peerless, Lido en klapperhaar teen spesiale verlaagde pryse. Skryf om pryslys aan **ELEKTRON KONTRAKTEURS**, Keeromstraat 18, KAAPSTAD. Foon 25060. 23/7/TK

MEUBELS. — Koop u meubels van **UNIKA MEUBELS (EIENS.) BPK.**, en wees verseker van u waarde en besparing. Geen katalogusse tot beskikking nie. Skryf om besonderhede en meld wat u verlang. — Hoofkantoer: Victoriaaweg 171, Woodstock. Takbesigheid: Jan Phillips-gebou, Lady Greystraat, Paarl. Foon 929.

RADIO

LOUW EN LOUW, die Beroemde Radio-ingenieurs, Stasieweg, PAROW, verkoop en herstel Radio's en Elektriese Toestelle. Geregistreerde Elektrisiteits-aannemers. Foon 9-4435.

PLUMVEE

DAGOD-KUIKENS. — Gesonde en lewendige R.L.R.- en W.L.-dagod-kuike. Slegs September- en Oktober-aflewering. Prys f6 per 100. **B.W.D.-slektewry.** — **Mev. E. R. ADCOCK**, Heuningnestkranz, Posbus 1134, PRETORIA. 13/7/7B

DIE Boere JEUG

AMPTELIKE

ORGAAN

BYVOEGSEL TOT „DIE O.B.” VAN WOENSDAG, 27 AUGUSTUS 1947

DIE BYBEL IN AFRIKAANS

Dis nog nie twee jaar dat die Psalms en Gesange in ons Afrikaanse kerke in ons eie taal gesing word nie. Ons onthou almal nog goed die feestelike ingebruikname van die Afrikaanse Psalm en Gesangboek, en hoe bly ons was dat ons daarna die berymings in Afrikaans kon sing i.p.v. die moeilike Nederlands!

Maar selfs die oudste Boere-seuns en -dogters het van jongs af al met die Afrikaanse Bybel kennis gemaak. Dit was nooit vir ons nodig om die Tien geboeie of Psalm 23 in Nederlands te leer nie, maar in die kerk en tuis het ons oral nog die ou Nederlandse Bybels gesien — meestal groot en dik met metaalknippies aan. En dan is ons baie bly dat ons nie sulke swaar Bybels kerk-toe of Sondagskool-toe hoef te dra nie, né!

In hierdie kort ruimte kan ons julle nie veel vertel van hoe ons die Bybel in ons eie taal gekry het nie, maar onthou die datum—23 Augustus 1933—want op daardie dag het ons amptelik die Afrikaanse Bybel in gebruik geneem. Vra vir Vader en Moeder om julle meer te vertel hiervan, en van manne soos Totius wat so 'n leidende aandeel geneem het met die vertaling.

Maar het julle al ooit nagedink oor wat dit vir ons beteken om elkeen ons eie Bybel te hê wat in ons eie taal geskryf is? Dis vir ons so vanselfsprekend dat ons soms vergeet dat daar tye was toe die Bybel, of liever Bybelboeke, nie alleen baie skaars en onbetaalbaar duur was nie, maar daarby in Latyn en dus onverstaanbaar vir die meeste mense. Hieroor het die Rooms Katolieke Kerk hom egter nie juis bekommer nie, want dan kon hy maar aan die mense enigiets verkondig en hulle sou dit glo. Met die Kerkhervorming van Luther en Calvyn het daar egter 'n verandering gekom en Luther het self die Bybel in Duits vertaal. Vandag is dit al beskikbaar in meer as 400 tale en dialekte.

Ons taal is nog maar baie jonk, en dis nou pas 14 jaar dat ons die Bybel in Afrikaans het. Dank sy die drukpers, is dit ook goedkoop genoeg vir almal om te bekostig. Waardeer ons dit genoeg?

'n Troue Boerdogter

Op 3 Julie het Benoni se Boerejeug 'n baie getroue maatjie verloor toe Johanna (Hannetjie) Engelbrecht oorlede is. Sy was byna 15 jaar oud en in die Boerejeug vanaf 1941. Vanuit die hospitaal het sy nog briefies aan die jeug geskryf.

Ons innige meegevoel met haar ouers en plaaslike afdeling.

Boerejeug Vier 8 Aug.

Hoewel die lekkers aanvanklik nie wou styf word nie, was Wellington se fondsinsameling 'n groot sukses! Tesame met f6 10s. wat hulle reeds bymekaar gehad het, staan die bedrag wat hulle vir Fondsdag byeengebring het nou op f17! Skote!

Maar hulle wil ook baie graag weet hoe dit met ander afdelings gevaar het.

GROOT Boerejeuglaertr k

(Gebiede D, E, F)

ELANDSKRAAL

(Dist. Brits)

4—13 OKTOBER 1947

Hou ons volgende blad dop vir meer besonderhede

VERJAARDAGKETING

- 27 AUGUSTUS: Janetta Venter, oor Pletersburg; Hendrina de Klerk, Cedarville.
 28 AUG.: Elizabeth Willemse, Bultfontein; Gerda Erasmus, Bosbokrand; Tienie Welthagen, Mooloed.
 31 AUG.: Gert Smit, Bosbokrand; Petrus Marais, Dist. Knysna; Danie van Zyl, Paarl; Dalene Slabber, Paarl; Kossie Hanekom, Malmesbury; Floris Potgieter, oor Kakamas.
 1 SEPT.: Johan Rossouw, Au-grabries; Aletta de Jager, Boshok.
 2 SEPT.: Antoine Coetzee, Potchefstroom; Daniël Coetzee, Bosbokrand; Elizabeth le Roux, Bultfontein; Gert-breggie Liebenberg, Uppington.
 3 SEPT.: Constance Fouche, Stellenbosch; Willem Bouwer, Kirkwood.
 4 SEPT.: Johannes Cilliers, Beaufort-Wes; Hilda Burger, Brandvlei; Willem Botha, Paarl.
 5 SEPT.: Annette Pauw, Wellington; George Nieuwoudt, Stella; Francois Botha, Paarl.
 6 SEPT.: Elsa Haasbroek, Paarl; Wilhelmina Wagener, Oudtshoorn; Magdalena Breedt, Boshok; Andries du Toit, Matooier; Gertruida Toerien, Middelburg, Tvl.
 7 SEPT.: Piet Erasmus, Frankfort; Christiaan Bronner, Stella.
 8 SEPT.: Esias Van Rooyen, Stellenbosch; Etienne von Wielligh, Paarl; Maria Fourie, Luckhoff.

Oplossing Van Blokkiesraaisel 4

- DWARS: 1. Ledig; 5. Behep; 8. Eer; 9. Inl.; 11. C.N.O.; 12. Ir.; 13. Rewyv.; 15. T.t.; 16. Ur.; 17. Een; 18. Re.; 19. M.i.; 20. Ens.; 22. K.b.a.; 23. K.G.; 25. Emily; 27. At.; 28. Aap.; 30. Ena; 31. Ere; 32. Plant; 33. Daler.
 AF: 1. Leierskap; 2. Eer; 3. Dr.; 4. Gier; 5. Blye; 6. Ent.; 7. Potgieter; 10. N.W.; 13. Ruïne; 14. Verby; 21. Smet; 22. Klad; 24. Gal.; 26. In.; 27. Are; 29. Pa; 31. E.L.

ONTHOU!



Ervarings uit die Stryd:

TRONK-TOE

Deur Krisjan

(Vervolg van verlede week)

Ná die Kommissaris met my klaar was, het hulle my gaan bêre.

hier wegneem, of daar gaan moeilikheid kom". Ek kon maar nie vergeet wat hierdie mak Boer aan my moeder gedoen het nie.

— AGTER DIE TRALIES —

Voor ek, in begeleiding van die hoof van die tronk, by my sel aankom, moes ons nog eers met veel grootdoenerigheid deur twee ystertralie-hekke gaan. Daarna pluk 'n ander binnebewaarder met groot lawaai 'n bos van seker veertig sleutels uit sy broeksak en haal daar sel nommer 1 se sleutel uit. 'n Hangslot van ongeveer 3 x 3 dm. hou 'n dwarsyster voor die swaar dubbele deur en versper die weg na jou vryheid. Die lawaai weerklink en word vergroot deur die dolle en onheilspellende donker gange van die tronk toe die dwarsyster val en die seldeur oopswaai. Ek stap in. Dit was ongeveer sesuur in die aand. Met dieselfde lawaai word die sel gesluit en ek hoor hoe die ander deure oop en toe gesluit word. Daarna word alles doodstil. Toe besef ek: Ek is in die tronk.....

— IN DIE SEL —

Ek kyk om my heen. In die een hoek van die sel lê 'n mat van klapperhaar-toue gevleg, en daarop lê drie komberse en 'n ronde klapperhaarkussinkie, so groot soos 'n bakkersbrood. Verder staan daar in die een hoek 'n emmer. By die deur staan my aandete: 'n beker swart koffie en 'n ongesnyde stuk growwebrood bo-op die beker. Langsaan is 'n plat ronde blikbord wat lyk soos 'n vlak koekpan, met my drinkwater vir die nag. Hulle moes seker gedink het dat ek baie dors sal word dié nag in die sel. Ek staan die spulletjie so en bekyk en wonder of ek nou veronderstel word om soos 'n hond die water uit die bord op die lek.

Dis maar 'n aaklige ding so 'n sel, en maak 'n baie snaakse indruk op 'n mens: 'n verlate gevoel van eensaamheid oorval jou. Die sel is slegs sewe voet breed, twaalf voet lank, en vyftien voet hoog. Onder is die mure vir omtrent drie voet met koolteer gesmeer. Ongeveer twaalf voet hoog in die buitemuur is 'n klein venstertjie met vuil ruite en drie dik yster tralies. Bokant die deur is 'n ander klein venstertjie of gaatjie, ook met tralies voor. As 'n mens jou opraap en spring, kom jy dié nogal by. Die deur self is binne glad as gevolg van die dun ysterplaat waarmee dit oorgetrek is. (Vervolg in kolom 3)

Dit is vir ons, die Boerejeug, 'n groot eer om hiermee aan ons geagte A.K.G., genl. J. A. Smith, ons hartlikste gelukwense oor te dra met die herdenking van sy geboortedag op 4 September.



Die inspirasie en belangstelling, geagte Generaal, wat in die verlede van u uitgegaan het, was steeds vir ons 'n bron van krag om die stryd voort te sit. Mag die hand van Hom wat u sover geleidelik, u ook in die toekoms naby wees en sterk.

Ons bring hulde!

(Vervolg van kolom 5)

Omtrent ophoogte is daar in die deur 'n loergaatjie met 'n klappie voor aan die buitekant. Die bewaarder kan dus enige tyd die klappie wegskuif en inloer om te sien wat jy binne doen.

Dit val my by dat ek nog nie geëet het nie en daar staan die kos dan wat met soveel sorg vir my voorgesit is! Nadat ek die koffie gedrink en aan 'n stukkie korsie geproe het, hoor ek die hekke weer met dieselfde kenmerkende sleutelgeraas oopgaan. Ek hoor hoe die bewaarders die gang afgestap kom en hoe hulle iets skree as hulle by elke sel verbykom. Hulle skuif die klappie voor die loergaatjie weg en skree vir my: „Staan op!” Ewe gedwee gehoorsaam ek. Toe hoor ek dat ons getel word, want die een bewaarder is besig om te oorhandig aan die ander een wat die nag op diens is.

— 'N RUSTELOSE NAG —


Nadat ek nog 'n rukkie op die bondeltjie beddegoed gesit en dink het oor die gebeure van die dag, lui daar 'n klok buite in die tronk se binne-erf. Later het ek geleer dat dit die slaapklok is en elke aand om agtuur lui. Net daarna gaan die ligte uit en is alles donker en stil. Die eerste aand was ek laat want ek moes toe nog eers in die donker my bed oopmaak. Ek kruip tussen die komberse in en voel toe éers verlate en alleen. Dan bly daar net een uitweg: Bid.

Dit moes seker al tinnuur se kant gewees het toe ek begin insluimer het. So deur die slaap kon ek voel hoe koud ek kry. Na 'n rukkie kon ek ook nie meer stil lê nie en moes ek rondrol om my seer heupe te spaar. So het ek gewag vir die môre wat moes aanbreek, sonder enige begrip van tyd, aangesien my horlosie van my geneem is.

Voor die Bloemfonteinse tronk het ons 'n geruime tyd gewag vir die sipier wat moes oopsluit. 'n Sekere kaptein van Bethlehem, wat my moeder vantevore met tronkstraf gedreig het as sy nie sê waarvoor ons die eerste Majubavure gaan aansteek nie, het my toe begelei. Ons is deur die groot houthek wat 'n bewaarder van binne oopsluit, nadat hy eers deur 'n gaatjie geloer het om te sien wie dit is. Toe ons in is, sluit hy weer die buite-„poorte” voor hy die binnekantste ystertralie-hek oopsluit met 'n tamaai groot sleutel wat hy uit 'n bos van seker twintig, behendig en vinnig uitsoek.

In die „ontvangkamer” (nogal 'n mooi woord in so 'n nare plek) is my naam en gewig geneem en alles verder ontnem. Daarna is ek toe in die sipier se bewaring en die kaptein kom so ewe en steek sy hand uit om my te groet.

„Jou soort groet ek nie”, sê ek en rig my tot die sipier: „Ek is nou in jou bewaring en dis beter dat jy my dadelik



„'n Gesonde gees in 'n gesonde liggaam”. Boere-seuns tydens 'n laertrek.

Aaklige Uitwerking Van Atoombom op Nageslag

Watter vreeslike uitwerking atoomstrale op lewende wesens, en veral op hul voortplanting het, blyk uit die waarnemings van Amerikaanse wetenskaplikes aan boord van die skepe wat by Bikini onder die atoombomme gesteek is.

Dit blyk dat die vrugtevlies wat aan boord was tydens die ontploffing die mees misvormde reproduksies lewer. Sedert die ontploffing het die vlieë kans gehad om verskeie kere te vermeerder. Die eerste broei-sel het nie juis iets anders getoon nie, maar vanaf die tweede geslag het gedroegte die lig gesien. Baie het geen vierke gehad nie en sommige was harig. Ander se kleur het gewissel van pers na groen. Sommige was gedeeltelik, en ander heeltemal blind, en dit was later moeilik om te glo dat dit die nageslag van vrugtevlies was, so misvormd was hulle.

Hieruit word afgelei dat die uitwerking van die strale hom nie dadelik laat geld nie, maar eers later, sodat die Amerikaanse Massa-proefneming op die inwoners van Hiroshima en Nagasaki eers in die volgende geslag sy aaklige resultate sal lewer.

Wetenskaplikes verklaar dat die uitwerking van die strale oor 'n periode van duisend jaar strek. Dit is reeds bewys dat die vrugbaarheid van die arbeiders in die atoomfabriek heeltemal en in baie gevalle gedeeltelik aangetas is.

Op die foto is 'n deskundige besig om die radio-aktiwiteit van een van die vyftien bokke

wat op die skip was tydens die ontploffing by Bikini te toets. Saam met die bok het daar ook 'n vark en 'n hondeteef aan die

lewe gebly. Laasgenoemde het wild op die eiland rondgeleef, maar is onlangs ook aangekeer vir navorsing.



Brittanje Breek Kontrak

(Vervolg van bladsy 1)
miniums moet net die kos verskaf — op skuld — en „een-dag“ as Brittanje kan, sal hy daarvoor betaal.

Die dominiums se regerings vertel op hul beurt boere dat hulle hul markte sal verloor indien hulle nie aanhou uitvoer na Engeland nie, en aangesien hul eie regering onderneem om die tjeks uit te skryf, is daar vir die boer self nie veel te verloor nie — behalwe dat hy by wyse van belasting opgeroep word om self die kontant uit te keer vir die tjek wat die regering aan hom gee.

SAL NIE BETAAL

Want Brittanje sal nie terugbetaal nie. Dit is 'n feit. „Nood breek wet,” so sê hulle in Brittanje, en oor drie of vier jaar sal Brittanje se nood nog nie so verminder het dat hy sy reuse-skulde sal kan betaal nie, en indien hy tog nog herstel, sal so 'n terugbetaling hom net in nuwe nood stort.

Ook Suid-Afrika word opgeroep om gratis hulp aan Engeland te verskaf by wyse van voedseluitvoere waarvoor ons regering betaal. Volgens Brittanje se oproep moet Suid-Afrika ook minder van ander lande koop sodat daardie lande dus ook minder van Suid-Afrika sal koop. Ons lewer dus nie net gratis hulp aan Brittanje nie, maar ons verloor ons markte in die res van die wêreld, en veral in Amerika waar ons in die jongste tyd 'n nuwe mark vir ons vrugte begin kry het. En aangesien die Suid-Afrikaanse belastingbetaler nie jaar in en jaar uit sal aanhou om die boere te betaal vir wat hulle aan Engeland lewer nie, SAL DIE TYD KOM DAT DIE BOER WAT NA ENGELAND

UITVOER. SAL VIND DAT HY NIE NET SONDER SY TJEK, MAAR OOK SONDER ENIGE MARK IN DIE WÊRELD SAL SIT.

OOE DRIE JAAR

Engeland is 'n klant wat nie sy verpligtings nakom nie! Amerika het hom vertrou en hom 'n jaar uitstel gegee om sy verpligting ten opsigte van sterlingbalanse na te kom, maar hy het van daardie uitstel net gebruik gemaak om hom goed te help en toe sy verpligting opgesê. Moontlik sal Rusland oor drie of vier jaar weer aan die beurt kom as die dominiums se fonteintjie weens wanbetaling opgedroog het.

Smuts Gee Gehoor Aan V.V.O.-Bevel

Onder die druk van die V.V.O.-bevel het veldm. J. C. Smuts besluit om Suidwes nie by die Unie in te lyf nie. Hy sal egter voortgaan om die gebied as 'n mandaat van die oorlede Volkebond te bestuur en jaarliks verslag doen aan die V.V.O.

Hierdie besluit het veldm. Smuts verlede week aan die V.V.O. meegedeel. Suid-Afrika sien nie kans om die gebied onder die voogdy van die V.V.O. te plaas nie omdat dit strydig is met die begeerte van die inwoners van die gebied, aldus die Eerste Minister.

Politieke Moord Op Roemeense Leier

Die ter dood veroordeling van die Roemeense leier, Petkoff, net omdat hy 'n teenstander van die kommunistiese regering is, het aanleiding gegee tot luide protes in Amerika. Die Amerikaanse regering het versoek dat die vonnis opgehef word omdat die „skuldigbevinding 'n ernstige verkragting van die reg is“ en daarop gewys dat dit ernstige gevolge kan hê.

Die Amerikaanse departement van buitelandse sake beskuldig die kommunisties-gedomineerde regering van Roemenië ook daarvan dat hy foltermetodes gebruik om skulderkennis van sy politieke gevangenes af te dwing. Soortgelyke metodes word ook in Hongarye deur die kommuniste beoefen waar so-wat tweeduisend slagoffers in tronke en kampe beland het, het die ambassadeur verklaar.

Duitse Motor Teen £180

Die Duitse volksmotor waarmee Hitler elke Duitse arbeider in staat wou stel om 'n motor te besit, sal eersdaags na Nederland, België en Skandinawië uitgevoer word. Dit is deel van die Britse en Amerikaanse poging om 'n Duitse uitvoerhandel op te bou.

Die motor kan tien perdekrags ontwikkel. Sy masjien sit aan die agterkant en kos slegs £180 in die buiteland.

„Die O.B.“ word gedruk deur Pro Ecclesia-Drukkery Beperk, Stellenbosch, vir die elenaars en uitgewers: VOORSLAG (Edms.) Beperk, Grootte Kerkgebou 703, Posbus 1411, Kerkplein, Kaapstad.

RUSLAND VETO VERSOEK

Rusland is vasbeslote om nie toe te laat dat die V.V.O. sy planne in die Balkan in die war stuur nie, en het verlede week die meerderheidsbesluit van die Veiligheidsraad in verband met die Balkan-vraagstuk geveto.

Nege lande was ten gunste van die voorstel waarin Griekeland, Albanië, Bulgarye en Joego-Slawië versoek word om hul grensgeskilte uit die weg te ruim. Slegs twee lande—Rusland en die kommunisties-beheerde Pole, het daarteen gestem, waarna Rusland sy veto gebruik het.

Trygve Lie, sekretaris-geni. van die V.V.O., het verklaar dat hierdie optrede van Rusland 'n klap vir die prestige van die Veiligheidsraad is.

Rusland het ook sy veto gebruik om te verhoed dat Ierland, Portugal en Transjor-

danië—moontlike teenstanders—lede van die V.V.O. word.

Amptelike Woordebreuk

Engeland het 'n derde klousule van sy leningsooreenkoms opgesê, na Maandag deur Sapa-Reuter berig is. Dit is die bepaling dat Engeland aankope wat hy in Amerika staak, nie na die dominiums mag oorplaas nie. Volgens die berig is tot hierdie verbreking van die bepaling oorgegaan ingevolge 'n „nie-amptelike“ ooreenkoms met Amerika!

Dat 'n staat „nie-amptelik“ ooreenkomste met 'n ander staat kan aangaan, is die nuutste toevoeging tot die eienaardige politieke woordelys van die Britte.

Bouwerkers En Kommunisme

Die staking van die bouwerkers aan die Rand en Pretoria het na drie weke se oor en weer onderhandelings ten gevolge dat die bouwerkers van Pretoria eergister hul werk hervat het. Die stakers van Johannesburg, wat volgens die werkers van Pretoria die speelbal van kommunisme geword het, het nog nie hul werk hervat toe ons ter perse gegaan het nie.

Wedersydse beskuldigings tussen die bouwerkers van Johannesburg en Pretoria word oor en weer geslinger. Die Pretoriase werkers het 'n pamflet versprei waarin hulle verklaar dat die Johannesburgse stakers „die speelbal van die kommuniste“ geword het. Die Johannesburgse stakers verwyrt dié van Pretoria weer dat hulle hul laat beïnvloed deur party-politieke oorwegings.

Die werkers van Pretoria het sonder een teenstem die aanbod van die werkgewers om hoër lone en verlof aanvaar. Hulle verdien voortaan 5s. 3½d. per uur en kry 3 weke verlof per jaar.

Teenstrydige Standpunte

In teenstelling met Die Burger wat 'n beslisse standpunt inneem teen kredietverlening deur die Unie aan Engeland en dit beskryf as 'n geskenk wat ons uit eie sak sal moet betaal, is sy susterkoerant Die Volksblad ten gunste van so'n maatregel. Die blad verklaar dat ons handel met Engeland reeds windskeef is, „en daarom kan so 'n kredietverskaffing aan Engeland op die oomblik in albei lande se voordeel wees—mits dit op 'n gesonde grondslag geskied.“ Nadat hy verder beklemtoon dat dit in Suid-Afrika se belang is om Engeland weer ekonomies sterk te help maak, kom hy met die volgende stelling, wat nogal naïef klink in die lig van Engeland se reputasie as wanbetaler:

„Sake moet bepaald sleg gaan indien Engeland in gebreke sou bly om die lening te vereffen. In elk geval, Suid-Afrika kan altyd Britse masjinerie, lokomotiewe en so meer daarvoor neem, indien dit nodig mag blyk.“

(Hoe om die masjinerie te gaan „neem“ indien Engeland weier om te betaal, is natuurlik nie 'n uitgemaakte saak nie!)

„Russe Lei Joodse Terroriste Op“

'n Dokument waarin verklaar word dat Rusland besig is om Joodse terroriste in Rusland op te lei om die lewe van die Britte in Palestina te vergal, is deur 'n lid van die Konserwatiewe party in die Britse laerhuis opgehaal. Hy is maj. T. V. Beamish, wat deur die Cape Argus as 'n „verantwoordelike persoon met 'n goeie militêre rekord in die Midde- en Verre Ooste“ beskryf word.

Tussen 600 en 700 Jode en Koerde word volgens hierdie dokument by Kislovodsk in Noord-Koukasië opgelei. Hulle ontvang intensiewe opleiding in terroristiese bedrywigheid onder leiding van 'n verantwoordelike Russiese offisier.

Maj. Beamish het verklaar dat hy verdere inligting aan die minister van koloniale sake sal verstrek.

Indien die berig juis is, is die motief van die Russe baie duidelik: hulle wil die wêreld vir die Britte in die Midde-Ooste so warm maak dat hulle verplig sal wees om te trap. As dit gebeur sal die Russe die beheer oorneem.

Geneeshere Veroordeel

Agt Duitse geneeshere is verlede week in Neurenberg ter dood veroordeel, terwyl sewe ander vonnisse ontvang het wat strek van twintig jaar tot lewenslang op aanklag dat hulle mense gebruik het as proefkonne tydens die oorlog. Volgens die getuienis sou hulle met toestemming van Himmler, in die geheim hul proefnemings uitgevoer het op gevangenes waarby die dood nie uitgesluit was nie.